



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3–40-581–4/21**
Datum: **16.02.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica Javno preduzeće „RAD“ d.d. Tešanj za donošenje rješenja o vodnoj dozvoli za zahvatanje vode sa izvorišta „Jelah“ a za potrebe snabdijevanja pitkom vodom potrošača na području općine Tešanj, na osnovu člana 139. stav 1. tačka 1. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu Javno preduzeće „RAD“ d.d. Tešanj, za zahvatanje vode sa izvorišta „Jelah“ a u svrhu snabdijevanja pitkom vodom potrošača na području općine Tešanj.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se iz bunara izgrađenih u sklopu izvorišta «Jelah», vrši crpljenje vode u optimalnoj količini, tj. pod istim uslovima pod kojim je utvrđena njegova optimalna izdašnost od 50 l/s.
 - 2.2. Da se predmetni objekti održavaju u funkcionalnom stanju u skladu sa njihovom prirodom i namjenom, izdatim vodnim aktima i općim aktom o održavanju, korištenju i osmatranju vodnih objekata i postupanju u slučaju kvara ili havarije na objektima.
 - 2.3. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.4. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.7. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.8. Da se na području vodozahvatne zone sprovede zaštitne mjere za izvorišta, a po Odluci o zonama sanitarne zaštite i zaštitnim mjerama vodozahvata «Jelah polje» općina Tešanj, broj: 02-14-31827/10 od 24.11.2010. («Službene novine Zeničko-dobojskog kantona», broj 13/10). Ova Odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12).

Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12).

3. Korisnik objekata treba da u cilju kontrole, evidencije i plaćanja količina zahvaćene vode da vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Javno preduzeće «RAD» d.d. Tešanj, obratilo se ovoj Agenciji dana 07.12.2021.godine sa zahtjevom za izdavanje vodne dozvole za zahvatanje vode sa izvorišta «Jelah» a u svrhu snabdijevanja vodom potrošača na području općine Tešanj.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar, broj: 043-0-Reg-21-001112 izdatog 11.11.2021. od strane Općinskog suda u Zenici,
- Ovjerena kopija Uvjerjenja o poreskoj registraciji, izdatog dana 08.01.2010. od strane Porezne uprave-Kantonalni ured Zenica,
- Punomoć zastupnika podnosioca zahtjeva, broj: 8783/21 od 07.12.2021.godine,
- Kopija Odluke o vodovodu i kanalizaciji, donesene od strane Općinskog vijeća Tešanj dana 31.05.2021.godine, broj: 01-23-1-681-2/21 od 01.06.2021.godine („Službeni glasnik Općine Tešanj“ broj: 5/21),
- Kopija Rješenja o odobrenju za upotrebu objekta, broj: 05/1-23-4-1013/04 izdatog 01.09.2004. od strane Službe za urbanizam, stambene i inspeksijske poslove općine Tešanj,
- Kopija Rešenja o vodnoj dozvoli, broj: UP-I/25-3-40-463-4/16 izdatog 05.12.2011.godine od strane ove Agencije,
- Spisak tehničke literature za izvorište Jelah,
- Kopija Plana pogona i održavanja vodovodnog sistema Tešanj-Jelah, broj: 1339/11 donešenog dana 16.03.2011. od strane Uprave preduzeća,
- Kopija Internog periodičnog pregleda kvaliteta vode vodovodnog sistema bunari Jelah, broj 4201/21 od 03.06.2021.godine,

- Kopija Izvještaja interne fizičko-hemijske i mikrobiološke analize vodovodnih sistema Tešanj Jelah,
- Odluka o zonama sanitarne zaštite i zaštitnim mjerama vodozahvata «Jelah polje» općina Tešanj, broj: 02-14-31827/10 od 24.11.2010. godine («Službene novine Zeničko-dobojskog kantona», broj 13/10).
- Kopija uplatnice upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-581-3/21 od 15.02.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja naselja: Jelah, Tešanj, Potočani, Miljanovci, Miljanovci Novi i Piljužići u općini Tešanj, na lijevoj obali rijeke Usore izgrađeno je ukupno šest bunara -600/600mm, prosječne dubine 6-8 m. Trenutno je u funkciji pet bunara.

Procijenjena ukupna minimalna izdašnost izvorišta je 50 l/s, a u prosjeku se crpi 35 l/s. U bunarima su instalirane potopljene pumpe. Bunari su priključnim cjevovodima povezani na zajednički potisni cjevovod. Dezinfekcija vode vrši se gasnim hlorom u hlornoj stanici lociranoj na udaljenosti 180 m od zadnjeg bunara.

Mjerenje količina zahvaćene vode vrši se na sabirnom cjevovodu prije hlorne stanice.

Redovno se vrši kontrola kvaliteta zahvaćene i isporučene vode od strane ovlaštene laboratorije.

Prva zaštitna zona oko izvorišta je propisno ograđena.

Urađen je nacrt Odluke o zonama sanitarne zaštite i zaštitnim mjerama za izvorišta „Jelah polje“ općina Tešanj usaglašen sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Nacrt odluke je proslijeđen nadležnom kantonalnom ministarstvu na usvajanje.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-581-2/21 od 05.01.2022.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP „RAD“ d.d. Tešanj, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva JP „RAD“ d.d. Tešanj, ispunio minimum uslova za izdavanje vodne dozvole za zahvat vode sa izvorišta „Jelah“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Tešanj, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.


Dostaviti:

- JP „RAD“ d.d. Tešanj
Trg žrtava 3.avgusta bb, 74260 Tešanj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava